

**Talamdan sa
Mga Mensahe alang sa Full-time Training
sa Spring Term sa 2023**

LINANGKOB NGA HISGOTANAN:

ANG MAHINUNG DANONG MGA PUNTO SA KAMATUORAN SA MGA SULAT NI PABLO

Mensahe 2

Ang Pagkamatarong sa Dios nga Gipadayag sa Ebanghelyo

Basahong Kasulatan: Rom. 1:16-17; 3:24; Mat. 5:20; 6:33; 1 Juan 1:9; Fil. 3:9

I. Ang pagkamatarong maoy patukoranan sa trono sa Dios—Sal. 89:14; 97:2:

- A. Ang pagkamatarong may kalabotan sa dayag nga mga buhat, paagi, lihok, ug kaliho-kan sa Dios; matarong ang tanang gibuhad sa Dios—Bug. 15:3.
- B. Ang pagkamatarong pagkahusto tali sa mga tawo ug mga butang atubangan sa Dios sumala sa Iyang pagkamatarong ug higpit nga mga gipangayo—Mat. 5:20; 1 Cor. 15:34.
- C. May kalabotan sa gingharian sa Dios ang pagkamatarong—Mat. 6:33:
 - 1. Gikan sa Dios alang sa Iyang administrasyon ang pagkamatarong—Sal. 89:14; 97:2; Isa. 32:1.
 - 2. Ang pagkamatarong may kalabotan sa pangagamhanan, administrasyon, ug kabubut-on sa Dios.
- D. Ang pagkamatarong may kalabotan sa pagkahusto tali sa Dios sa atong pagkatawo—2 Cor. 5:21; Rom. 3:21; 10:3-4:
 - 1. Ang pagkahusto tali sa Dios sa atong pagkatawo pagkaanaa may pagkatawo sa sulod nga maaninaw ug sama-sa-kristal katin-aw—pagkatawo sa sulod nga naa sa hunahuna ug kabubut-on sa Dios—12:2; Bug. 21:21.
 - 2. Kanang matarong ta sa ingon niini pagkahimo mang pagkamatarong sa Dios diha ni Cristo—2 Cor. 5:21.

II. Ang labing mahinungdanong pulong kalabot sa ebanghelyo sa Dios sa basahon sa Roma naa sa 1:17—“makabaton og kinabuhi ang matarong ug mabuhi tungod sa pagtuo”:

- A. Gamhanan ang ebanghelyo sa Dios kay gipadayag man niini ang pagkamatarong sa Dios—vv. 16-17.
- B. Ang kaluwasan sa Dios sa Ebanghelyo ni Juan iya sa gugma sa Dios nga tinubdan niini (3:16) ug sa Efeso pinaagi kini sa grasya sa Dios nga elemento niini (2:5, 8), apan sa Roma pinaagi kini sa pagkamatarong sa Dios nga sukaranan niini (1:17).
- C. Ang pagkamatarong sa Dios mao ang paagi sa Iyang mga buhat—Sal. 103:6-7:
 - 1. May kalabotan kini sa mga balaod, mga regulasyon, ug mga prinsipyo sa Dios; busa balaodnon kining butanga.
 - 2. Nagpakita kini nga balaodnon ang ebanghelyo sa Dios segun sa paagi sa pagkamatarong sa Dios.
 - 3. Nagtuman kini sa mga gipangayo aron makatuman ang Dios sa Iyang kaluwasan.
 - 4. Busa, kini ang katin-awan nganong gamhanan (kusganon) ang ebanghelyo sa Dios—Rom. 1:16-17.
 - 5. Tungod niana, gipadayag kini sa ebanghelyo sa Dios isip patukoranan niini, nga ligo-ug malungtaron sama sa patukoranan sa trono sa Dios—v. 17; Sal. 89:14.
 - 6. Niingon ang Roma 3:24 nga walay bayad sab ang pagmatarong sa Dios tungod sa Iyang grasya:
 - a. Ang pagmatarong sa Dios pinaagi sa Iyang pagkamatarong sa balaodnong paagi maoy pamaagi nga matuman ang matarong nga gipangayo sa Dios aron matarong Siyang makamatarong sa mga makasasala.

- b. Ang walay bayad nga pagmatarong sa Dios tungod sa Iyang grasya maoy palagianan nga matuman sa Dios ang Iyang tuyo nga ihatag ang Iyang kinabuhi sa Iyang piniling katawhan aron ipasama sila Kaniya sa Iyang kinabuhi ug kinaiya—itandi sa 5:10, 17-18, 21.
- D. Nangingkamot ang mga tigtuman sa kasugoan nga motuman sa kasugoan aron magtukod sa kaugalingon nilang pagkamatarong (9:31; 10:3), apan “gikan sa mga buhat sa kasugoan walay unod nga matarongon sa Iyang [Dios] atubangan”—3:20.
- E. Nag-agad sa patukoranan sa pagkamatarong sa Dios ang pagsinati nato ni Cristo—Sal. 89:14:
 - 1. Ang pagkamatarong sa Dios mao ang dili matarog nga patukoranan sa Iyang trono—97:2.
 - 2. Gipakita sa Dios ang Iyang pagkamatarong sa pagpasaylo Niya sa atong mga sala—1 Juan 1:9:
 - a. Kon gihukman ta sa atong konsensya tungod sa atong mga kapakyasan, hinumdoman gyod nato nga mobarog diha sa patukoranan sa pagkamatarong sa Dios—Sal. 89:14; 97:2.
 - b. Isugid ngani nato ang atong mga sala, magpahinlo sa dugo ni Jesus, ug mangamuyo sa pagkamatarong sa Dios, mapugos gyod ang Dios sa pagpasaylo kanato—1 Juan 1:7.

III. Gustong mabatonan ni Pablo ang pagkamatarong nga pinaagi sa pagtuo diha ni Cristo, ang pagkamatarong nga gikan sa Dios ug pinasikad sa pagtuo—Fil. 3:9:

- A. Kanang wala siyay kaugalingon niyang pagkamatarong kondili ang pagkamatarong nga gikan sa Dios mao ang kahimtang nga gitinguha ni Pablo nga makaplagaan siya diha ni Cristo—v. 9; itandi sa Job 1:1, 8; 2:3; 42:5:
 - 1. Gustong magkinabuhi si Pablo dili sa kaugalingon niyang pagkamatarong kondili sa pagkamatarong sa Dios ug makaplagaan diha nianang labaw kaayong kahimtang, nga nagpadayag sa Dios sa pagkinabuhi niya diha ni Cristo—Fil. 3:9; 1:20.
 - 2. Nagtinguha si Pablo nga makaplagaan siya isip tawong nagkinabuhi diha ni Cristo ug naay Cristo nga pagkamatarong niya—Rom. 5:21.
- B. Dunay duha ka aspeto sa pagkahimo ni Cristo nga pagkamatarong sa mga magtutuo:
 - 1. Ang unang aspeto—mahimong pagkamatarong sa mga magtutuo aron objectibo silang mamatarong atubangan sa Dios sa panahon sa paghinulsol nila ngadto sa Dios ug pagtuo nila ngadto ni Cristo—Rom. 3:24-26; Buh. 13:39; Gal. 3:24b, 27.
 - 2. Ang ikaduhang aspeto—mahimong pagkamatarong sa mga magtutuo nga gikinabuhi nila isip pagpadayag sa Dios, nga mao ang pagkamatarong diha ni Cristo nga gihatag sa mga magtutuo aron subjectibo silang matarongon sa Dios—Rom. 4:25; 1 Ped. 2:24a; Sant. 2:24; Mat. 5:20; Bug. 19:8.
 - 3. Gihulagwayan kining duha ka aspeto sa mga bisti sa Lucas 15:22 ug Mateo 22:11-12.
- C. Ang subjectibong pagkamatarong sa Dios sa Filipos 3:9 sa pagkatinuod mao ang Dios mismo nga nahimong adlaw-adlawng pagkinabuhi nato, pagkinabuhi nga husto tali sa Dios ug sa tawo:
 - 1. Dili gusto si Pablo nga magkinabuhi sa kaugalingon niyang pagkamatarong, sa pagkamatarong nga gikan sa kaugalingong pagpaningkamot sa tawo sa pagtuman sa kasugoan—vv. 6, 9.
 - 2. Ang kaugalingon natong pagkamatarong mao ang pagpadayag sa atong kaugalingon, ang pagkinabuhi sa atong kaugalingon.
 - 3. Nagtinguha si Pablo nga magkinabuhi diha sa pagkamatarong sa Dios ug makaplagaan diha nianang labaw kaayong kahimtang, nga nagpadayag sa Dios sa pagkinabuhi niya ni Cristo, dili sa pagtuman sa kasugoan—itandi sa Mat. 5:20.
 - 4. Ang pagkinabuhi nga husto tali sa Dios ug sa tawo mao gyod ang Dios nga atong pagpadayag sa adlaw-adlawng kinabuhi nato, ang Dios mismo nga gikinabuhi pinaagi nato—2 Cor. 3:9; Bug. 19:7-8.